

Fier Gollen Hochtiet

In Namen vun Gott, den Vader un den Söhn un den Hilligen Geist. Amen.
Us Hülپ kummt vun Gott, den Herrn, de Heben un Eer maakt hett.

Wi sünd tohoopkomen (in us- Kark). Wi wöllt den Johresdag vun joe Gollen (Diamanten, Iesern ...) Hochtiet fiern un tohoop Kark holln.

An'nhebbt ji Jo dat Jo-Woort geven un nu wöllt wi Gott for 50/60/65 Johre danken un um sienen Bistand for joen Lebenspadd beden un ok um sienen Segen för tokamen Tieden.

Wi wöllt dat 1. Leed singen (317, 503, 302 etc.)

P. beed den Psalm (103) = Anlage

P. beed: Herr us Gott. Du hest N.N. un N.N. verbunnen in ehre Ehetiet. Du büst dorween in moie un ook swore Daage. Bewohr un in dienen Segen. Giff, dat se ook in tokomen Tieden fast tohoopholln, se gesund un munter blieven un Kraft un Troost ut dien Woort trecken. Dat bitt wi di dör Jesus Christus Amen.

oder:

Barmhartige Gott! Wi dankt di för dissen Festdag, de du vudaagen de beiden Ehelüüd schenkst. Se sünd een wieten Weg mit'nanner in ehr Leven gahn. In gooden un schlechten Tieden hefft se de Kraft upbröcht, in Tro bieenanner to blieven. Herr, wi bidd, di, wees mit us all mit dien Woort un Tospraak, nicht bloots an dissen Dag, wo wi us all mitfreut, man ok in Tokunft. Laat us dankbor ween un wohnnehmen, dat an dien Segen allens gelegen is. Amen.

P. höllt de Anspraak

Leed

Segen (Poor steiht op:)

Leevet Jubelpoor, leeve N.N. Un N.N. de goode Gott hett jo 50/60/65 ... Johre in jore Ehetied in siene Gnaad bewohrt. Nu wüllt ji em von Harten dorför danken un um sienen Beistand un Segen be'en för tokamen Tieden. So wüllen wi tohoop use Hannen folen un be'en:

Herr, us Gott, wi dankt di ut Hartensgrund, dat du mit diene Kraft und dienen Bistand bi us Minschen bust un bliffst. Du bust Trost un Hülپ - us Toversicht un Kraft. Du wullst usen Lebenspadd hellmoken jümmers un jümmers woller - ok wenn dat Dage giff, wo wi nix vun di weten wulln in wi meenen, du bist nich dor - un wi köönt allens ohne di kloorkriegen. Heff Gedüür mit us -vergiff us use Schuld - segen us dör Jesus Christus usen Herren. Amen.

N.N. Un N.N., de Herr segen jo un bewohr jo - de Herr kiek jo fründlich an un wees jo gnädig - de Herr laat siene Oogen in Leevede op jo rohn und geev jo un joret Hus sienen Freedem - Gott wohr jo Liev un Leven.

Dankleed (321, 329, 331 etc.)
(*Urkunde*)

Pastor beed:

Herr, us Gott in Heben, wi seggt di Dank, dat Du N.N. Un N.N. disse 50/60/65 Johre in Gnaaden föhrt un leit hest un du bi ehr ween büst un se ook in Nood un Gefohr nich alleen laten hest. Du hest se bewohrt bit op dissen Dag. So fiert wie in dissen (grodén) Kring. Loot us begriepen, dat dat dien Geschenk is, dat wi vundagen dissen Dag fiern köönt. Herr drääg N.N. Un N.N. ok in tokamen Tieden. Giff Kraft un Gedüür, wehr all Unfall un Gefahr, Süük und Kehlde un laat ehr Hülpe un Kraft ut dien Woort finnen. Giff Toversicht, Freedén un Trofreesen-Ween – dör Jesus Christus, dienen Sohn, Amen

Vader unser

(Schlusseend, kunn ok utfallen)
Segen

(Find dat op'n Sool statt, kunn een dat ok n'beten korter mooken – ik heff dann blot den Psalm, de Ansprook un een Leed nah de Ansproche, Troosegen + VU un Segen, dat duuert denn so 15- 20 Minuten.

Ingmar Hammann, Warfleth)